



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 224

DATUM: 22.08.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana Trinaesta sjednica Predsjedništva Saveza

Održana Konferencija koordinatora za rad sa Savezom

Regionalnim partnerstvom do boljih općinskih usluga

Novi ugovor za izgradnju kanalizacione mreže u Tešnju vrijedan 3 miliona KM

Mala i srednja preduzeća za ekonomski razvoj Busovače

Stanovnici Aneksa dobili ambulantu porodične medicine

Održana prezentacija Analize raspodjele sredstava iz budžeta jedinica lokalne samouprave organizacijama civilnog društva (OCD)

Najava obilježavanja dana općina i gradova za mjesec avgust/ kolovoz

Bilten Saveza općina i gradova Federacije Bosne i Hercegovine

ODRŽANA TRINAESTA SJEDNICE PREDSJEDNIŠTVA SAVEZA

Trinaesta sjednica Predsjedništva Skupštine Saveza općina i gradova Federacije BiH održana je 19.7.2016. godine u Gradskoj vijećnici Grada Mostara.

Na ovoj sjednici razmatrani su zaključci sa Sedme sjednice Komisije za ekonomski razvoj općina i gradova i finansije čiji su se članovi očitovali u vezi sa inicijativom za izmjene Zakona o komunalnim djelatnostima Bosansko-podrinjskog kantona Goražde, aktom Ministarstva finansija

Tuzlanskog kantona u kome se traži mišljenje Saveza općina i gradova Federacije BiH u vezi sa poslaničkom inicijativom koja se odnosi na dopune Zakona o porezu na promet nepokretnosti i prava, te inicijativom Općine Žepče za izmjene i dopune Zakona o visini stope zatezne kamate u Federaciji BiH.

Predsjedništvo je također upoznato sa nacrtom Sporazuma o saradnji između Vlade Federacije BiH, Parlamenta Federacije BiH i Saveza općina i gradova Federacije BiH gdje su trenutno u toku aktivnosti na njegovom potpisivanju i koji ima za cilj osigurati viši stepen saradnje i komunikacije između potpisnika Sporazuma prilikom izrade i usvajanja zakonskih propisa koji se tiču jedinica lokalne samouprave.

Na sjednici je bilo riječi i o Nacrtu zakona o šumama koji je usvojen na 12. sjednici Predstavničkog doma Parlamenta Federacije BiH održanoj 13.07.2016. godine. Istaknuto je kako ovaj Nacrt nije uvažio stavove jedinica lokalne samouprave, ali da će se tokom javne rasprave, koja je određena u trajanju od 90 dana, izraditi konkretne primjedbe i insistirati na njihovom ugrađivanju u Prijedlog zakona o šumama kako bi isti bio usklađen sa Evropskom poveljom o lokalnoj samoupravi i Zakonom o principima lokalne samouprave u Federaciji BiH, što je naloženo presudom Ustavnog suda Federacije BiH iz 2009. godine.

Ovom prilikom je još jednom naglašena potreba za hitnim usklađivanjem Zakona o građevinskom zemljištu Federacije BiH za Zakonom o stvarnim pravima, što je Savez i ranije tražio u više navrata.

Predsjedništvo je dalo podršku inicijativi Općine Tešanj za organiziranje tematskog sastanka u organizaciji Saveza, a na temu propisa koji uređuju plaće i naknade uposlenika, te zastupanje prilikom pregovaranja i zaključenja općih i granskih kolektivnih ugovora.

Članovi Predsjedništva su upoznati i sa informacijom sa Konferencije „Reformski dijalog lokalnih i centralnih vlasti u FBiH“ koja je održana 14.06.2016. godine u Sarajevu koju je Savez organizirao u saradnji sa Svjetskom bankom, kao i sa informacijom o održanoj konferenciji za predsjedavajuće i sekretare općinskih/gradskih vijeća u Federaciji BiH koja je realizovana u saradnji sa Misijom OSCE-a u Bosni i Hercegovini.



Gledajte Savez općina i gradova
Federacije Bosne i Hercegovine na



ODRŽANA KONFERENCIJA KOORDINATORA ZA RAD SA SAVEZOM



Savez općina i gradova FBiH uz podršku Misije OSCE-a u Bosni i Hercegovini implementira projekat „Podrška savezima općina i gradova“. Jedan od osnovnih principa projekta jeste jačanje veze Saveza općina i gradova FBiH sa članicama (općinama i gradovima) putem saradnje sa lokalnim koordinatorima. U želji da unaprijedi rad

lokalnih samouprava i približi ovaj nivo vlasti građanima, Savez općina i gradova Federacije Bosne i Hercegovine je 15. jula/ srpnja 2016. godine organizovao u Sarajevu Konferenciju koordinatora za rad sa Savezom općina i gradova Federacije BiH, jednodnevnu radionicu posvećenu unapređenju komunikacije lokalnih vlasti i građana. „Statistike kažu, započeo je predavač, da preko 90 procenata građana Bosne i Hercegovine želi da učestvuje u procesu donošenja odluka i bude konsultovano, a svega 25-30 procenata građana je na neki način uključeno u ove procese. Hajde da vidimo kako to možemo da popravimo“, naveo je predavač na početku svog izlaganja. Ovo je bilo drugo predavanje Vladimira Jovanovića i njegov drugi susret sa koordinatorima za rad sa Savezom. Predavač, Vladimir Jovanović, je znanje sticao dugogodišnjim radom u odnosima sa javnošću. Zaposlen je u Stalnoj konferenciji gradova i opština Srbije, gdje posljednjih 10 godina radi kao šef Službe za odnose sa javnošću i menadžer nekolicine projekata. Oslanjajući se prevashodno na svoje iskustvo, on je na učesnike skupa prenio svoje znanje iz različitih oblasti, pa su se tako učesnici upoznali sa načinima komunikacije sa medijima, stvaranju partnerskih odnosa sa medijima, bilo je riječi i o komunikaciji tokom krize, a poseban dio radionice je bio posvećen upravo načinima komuniciranja između lokalne samouprave i građana. Uz praktične primjere iz dugogodišnjeg iskustva, predavač je uz interaktivni rad sa učesnicima iznio niz preporuka o tome kako se komunikacija može unaprijediti, i kako se tokom vremena, komunikacijom podiže nivo građanskog aktivizma. U želji da proširi znanja koordinatora iz različitih oblasti, Savez će i u budućem periodu organizovati povremena predavanja i gostovanja eksperata na različite teme, a na osnovu iskazanih želja i potreba učesnika.



REGIONALNIM PARTNERSTVOM DO BOLJIH OPĆINSKIH USLUGA

Konferencija pod motom "Kroz regionalna partnerstva do boljih općinskih usluga" održana je 14. jula/ srpnja u Sarajevu, gdje je okupila predstavnike opštinskih, komunalnih preduzeća, udruženja, lokalnih samouprava, udruženja potrošača, udruženja vodovodnih preduzeća kao i donosilaca odluka Jugoistočne Evrope (JIE), u cilju predstavljanja projekta Otvorenog Regionalnog Fonda – Modernizacija opštinskih usluga (ORF MMS). Projekat kako je istaknuto predstavlja svojevrstan odgovor na izazove i prilike procesa evropskih integracija u zemljama JIE, posebno na segment koji se odnosi na poboljšanje učinkovitosti, efikasnosti, odgovornosti i kvaliteta usluga koje općine i komunalna preduzeća pružaju građanima. Brigitte Heuel-Rolf, direktorica Kancelarije Njemačke agencije za međunarodnu saradnju (GIZ) BiH je kazala kako oni podržavaju otvorene regionalne fondove koji imaju cilj da jačaju saradnju među zemljama u regiji. Danas obilježavamo završetak jednog takvog projekta, koji se odnosi na regionalne fondove, odnosno na modernizaciju općinskih usluga. Projekat je koštao osam miliona eura i finansiran je pod jednakim uslovima Njemačke i Švicarske vlade, dok je implementator projekta bila Njemačka agencija za međunarodnu saradnju (GIZ).



"Radilo se na jačanju kapaciteta komunalnih usluga u cilju ispunjavanja veoma zahtjevnih standarda Evropske unije", kazala je Brigitte, naglašavajući kako je u općinama potrebno raditi na razvoju menadžmenta koji se radi putem mreža, uvođenja novih instrumenata komuniciranja sa građanima, tako da građani mogu prijaviti određene nepravilnosti koje se dešavaju. Dodaje kako je važno da postoji sistem na koji građani reaguju u svojim općinama.



Christophe di Marco voditelj Fonda, ORF MMS kaže kako konferencija daje mogućnost razmjene mišljenja, dijaloga i umrežavanja projektnih partnera. "Ovo je prilika da se naglasi uspjeh ali i izdvoji ono što smo naučili kada je u pitanju korištenje potencijala regionalne saradnje u poboljšanju pružanja općinskih usluga kao i da se razgovara o ulozi regionalnih mreža, udruženja lokalnih samouprava i komunalnih preduzeća, udruženja potrošača i profesionalaca koju imaju u okviru ovog procesa", naglasio je Christophe di Marco. Inače, ORF MMS 2013-2016 finansira Ministarstvo za ekonomsku saradnju i razvoj SR Njemačke i vlada Švajcarske. Glavni segmenti projekta fokusiraju se na oblast vodosnadbjevanja i otpadnih voda, upravljanja otpadom, energetske efikasnosti i dobro upravljanje u regionu JIE. U okviru današnje konferencije održano je i nekoliko panel diskusija i to: "Regionalna saradnja kao dodatni impuls procesu modernizacije općinskih usluga i jačanju uticaja tog procesa na živote građana – naučene lekcije", "Saradnja i umrežavanje kao pokretači unapređenja općinskih usluga – pravi put za uspjeh" i "Kreativni odgovori na izazove pružanja općinskih usluga rezultiraju inovativnim pristupima - prezentacija

NOVI UGOVOR ZA IZGRADNJU KANALIZACIONE MREŽE U TEŠNJU VRIJEDAN 3 MILIONA KM



Općinski načelnik Suad Huskić, nakon provedene procedure javne nabavke potpisao je ugovore za nastavak projekta u 2016. godini - Izgradnje sistema

prikupljanja, odvodnje i prečišćavanja otpadnih voda vrijedan 24 miliona maraka. Ove godine planirani su radovi na dionici od Mračaja, preko Jelaha do Tešanjke i od Tešanjke do Kraševa ukupne dužine 7 km i vrijednosti 3 miliona

maraka. Prošle godine završena je prva faza, što ukupno za 2015. i 2016. godinu iznosi 14 km kanalizacione mreže, ukupne vrijednosti 5,7 miliona maraka. U prošloj godini smo počeli građevinske radove na izgradnji najvećeg javnog projekta do sada, u prvoj fazi vrijednog oko 24 miliona maraka. Krenuli smo u realizaciju Izgradnje sistema prikupljanja, odvodnje i prečišćavanja otpadnih voda u okviru projekta WATSAN koji vodi Federalno ministarstvo poljoprivrede, vodoprivrede i šumarstva. Ove godine, nastavljamo realizaciju projekta, kazao je Općinski načelnik Suad Huskić.

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelsmmed.com
www.eacea.ec.europa.eu



Grb Općine Tešanj



MALA I SREDNJA PREDUZEĆA ZA EKONOMSKI RAZVOJ BUSOVAČE

Mala i srednja preduzeća nosioci su ekonomskog razvoja općine Busovača. Ipak, da bi se općina još više razvijala i otvaralo više radnih mjesta poslodavci traže smanjenje doprinosa. Busovača je jedan od gradova koji je silom prilika bio primoran osnovnu privrednu djelatnost zamijeniti drugom. Zahvaljujući dobrom geografskom položaju te privrednim resursima uspjeli su u tome. Općinski načelnik Asim Mekić ističe kako koriste



tu prirodnu prednost što su u geografskom centru zemlje. Dodaje kako prije rata na tom prostoru bilo prerade drveta te da danas u toj industriji radi blizu 700 ljudi i, kaže, rade odlično. Nekadašnji nosioci privrednog razvoja, vatrostanla industrija i Mediapan, propali su nakon loše privatizacije. "Vatrostanlu je kupio čovjek iz Hrvatske. Ako ima jednu lokaciju za proizvodnju vatrostanlne opreme u Hrvatskoj i jednu u BiH. I jedna i druga mogu zadovoljiti potrebe obje zemlje. Jedna mu je viška. Koju će ugasiti? Pa, ovu. I ja bih onu", tvrdi Mekić. Odnedavno, sve je više onih koji su šansu za zaradu prepoznali na ovom području u proizvodnji jagoda i malina, "Sa duluma bude 5-6 hiljada KM zarade. A imamo zasijanih blizu hiljadu duluma. Nažalost, pola toga ode u sportske kladionice i kockarnice", navodi načelnik.

Industriji namještaja najveći je problem nabavka sirovine

Stotinjak osoba radi u porodičnim firmama na proizvodnji namještaja. One koji žele pokrenuti biznis podržava i lokalna vlast. Na građevinsku dozvolu uz prikupljenu papirologiju čekaju jedan dan. Zastupljena je i proizvodnja ambalaže od drveta. Iskorištenost samo 50 posto kapaciteta omogućava širenje pretežno izvozno orijentisane proizvodnje. Robert Pušić naglašava kako je u firmi Paleta plus najveći problem nabavka sirovina - nema je u SBK-u, moraju ići u RS. A ono što ima sirovine, ilegalnom sječom se uništava. Šteta je nenadoknadiva. Dok šuma propada, fabrika hemijske industrije i plastične ambalaže, uz provođenje savremenih ekoloških standarda, vodi brigu o prirodnim resursima. Direktor fabrike EZ Mahir Mujić pojašnjava kako koriste vodu u segmentu zagrijavanja i hlađenja, kao besplatan izvor, a Sunčevu energiju za zagrijavanje vodu u postupku tehnološke proizvodnje deterdženata i zagrijavanju prostorija. Iz iskustva su se uvjerali da je primjena ekoloških standarda i modernizacija proizvodnje isplativa investicija. Za njihove proizvode potrošači znaju u Skandinaviji i dalekoj Gani. Sve sirovine koje uvoze, ističu, zadovoljavaju kriterije EU-a.

Poslodavci traže smanjenje doprinosa

Mala i srednja preduzeća postaju nosioci razvoja. Pet zaposlenih u porodičnoj firmi za proizvodnju građevinskog materijala uprkos mnogim opterećenjima šire proizvodnju. Vlasnica firme Himesa Enisa Mešić kaže kako rade od 1997. i kako je svake godine sve teže, "PDV se plaća 10. u mjesecu po izdatim fakturama, platili nam ili ne platili. Plaćamo redovno doprinose na platu, a, evo, povećali su nam tu osnovu", govori ona. Potražnja za građevinskim materijalom nije garancija opstanka na tržištu uz postojeće doprinose i porezna opterećenja. Kako kaže, ne radi



Grb Općine Busovača

STANOVNICI ANEKSA DOBILI AMBULANTU PORODIČNE MEDICINE

Na zadovoljstvo mještana naselja Aneks, gdje živi oko 4.000 stanovnika, 15. jula/ srpnja je svečano otvorena ambulanta porodične medicine. Objekat su, u prisustvu velikog broja građana, otvorili načelnik Općine Novi Grad Sarajevo Semir Efendić, Fuad Husić direktor Javne ustanove Kantona Sarajevo i ispred Ministarstva zdravstva KS prim.dr. Amra Ajanović.



Grb Općine Novi Grad Sarajevo



Riječ je o objektu koji je privrednik Adis Hodžić, uz saglasnost Općine Novi Grad izgradio i ustupio za potrebe otvaranja ambulate porodične medicine. Općina Novi Grad i Ministarstvo zdravstva KS, uložili su sredstva za opremanje objekta i vanjskog uređenja. „Ambulanta se nalazi u samom centru naselja i dostupna je svima. Drago nam je jedan ovakav objekat staviti u javnu funkciju, za dobrobit i zadovoljstvo svih građana“, istakao je Efendić. Naglasio je da se radi o gusto naseljenom mjesnom području, gdje se pored ovog značajnog projekta radi na izgradnji osnovne škole koja će riješiti dugogodišnji problem naselja Aneks i okolnih naselja. Također je kazao da je započela i izgradnja objekta mjesne zajednice „Aneks“. Realizacijom pomenutih infrastrukturnih projekata kvalitet življenja u ovom dijelu općine će biti poboljšana. Fuad Husić generalni direktor JU Kantona Sarajevo kazao je da je ovo veliki značaj za građane, ali i uposlenike. „U ovoj ambulanti će raditi jedan tim porodične medicine koji će pružati usluge i biti na raspolaganju građanima. Otvaranje jednog ovakvog objekta će u velikoj mjeri olakšati život stanovnicima ovog mjesnog područja“, kazao je Husić. Pored navedenih delegacija otvaranju su prisustvovali i predstavnici Skupštine KS, MZ „Aneks“, „Švrakino selo“, I, II i III, uposlenici Doma zdravlja, predstavnici političkih partija i drugi. „Zahvaljujem se svima koji su doprinijeli realizaciji ovog projekta, te uvažili zahtjeve mještana. Nadam se boljim i kvalitetnijim zdravstvenim uslugama“, istakao je stanovnik naselja Rahman Babić.

ODRŽANA PREZENTACIJA ANALIZE RASPODJELE SREDSTAVA IZ BUDŽETA JEDINICA LOKALNE SAMOUPRAVE ORGANIZACIJAMA CIVILNOG DRUŠTVA (OCD)

U okviru projekta "Jačanje lokalne demokratije/demokracije - LOD IV" kojeg implementira UNDP, a finansira Europska unija, Savez općina i gradova Federacije Bosne i Hercegovine je tokom druge polovine 2015. godine pripremio Analizu raspodjele sredstava iz budžeta jedinica lokalne samouprave organizacijama civilnog društva (OCD) za JLS koje nisu uključene u LOD projekat. Analiza je obuhvatila 21 JLS iz Federacije BiH. Kako je i Općina Goražde obuhvaćena pomenutom Analizom, 15. jula/ srpnja je u Službi za društvene djelatnosti, opću upravu i zajedničke poslove organizovana kratka prezentacija na kojoj su iznijete glavne značajke urađene analize kao i preporuke koje su iz nje proizašle, a koje se odnose na Općinu Goražde. Prezentaciji je prisustvovao načelnik Općine Goražde dr.sci. Muhamed Ramović sa pomoćnikom za društvene djelatnosti, opću upravu i zajedničke poslove Sanidom Zirkom, višom stručnom saradnicom za obrazovanje, nauku, kulturu, sport i vjerska pitanja Emirom Djanom, višom stručnom saradnicom za mlade i NVO Azrom Valjević koji u okviru svog redovnog posla u organu uprave Općini Goražde sarađuju sa organizacijama civilnog društva, te šefom Odsjeka za trezor Općine Goražde Muamerom Krašićem koji je upućen u način dodjele sredstava OCD.



KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Projekat finansira
Evropska unija



Ministarstvo pravde
Bosne i Hercegovine



Empowered lives.
Resilient nations.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC AVGUST/ KOLOVOZ

06. avgust/kolovoz - Dan Općine Cazin, te predstavlja i sjećanje na dan kada je deblokiran Cazin, ali i područje Unsko-sanskog kantona u proteklom ratu.

15. avgust/kolovoz - Dan Općine Široki Brijeg. Naime, ovaj datum se obilježava kao blagdan Velike Gospe.

15. avgust/kolovoz - Dan Općine Posušje. Ovaj datum je značajan za Posušje jer se na taj dan obilježava Velika Gospa.

15. avgust/kolovoz - Dan Općine Kreševo.

16. avgust/kolovoz - Dan Općine Busovača. Pod svojim sadašnjim imenom Busovača se u pisanim dokumentima prvi put spominje 16.08.1371. godine kada je izvjesni Gojko Čepić iz Busovače prodao Johanu Rombaldu Bonu 30 miliarija gvožđa. Navedeni datum je upisan na grbu grada Busovače i obilježava se kao Dan Općine.

16. avgust/kolovoz- Dan Općine Vareš potpaljivanje prve visoke peći u Varešu.

19. avgust/ kolovoz- Dan Općine Bosansko Grahovo- preobraženje Gospodnje.

20. avgust/kolovoz - Dan Općine Olovo. Na ovaj datum je ukopan prvi ŠEHID u „Šehidskom mezarju“ u Solunu (naselje u blizini Olova).

29. avgust/kolovoz - Dan Općine Visoko. Ovaj datum se veže za datum izdavanja Povelje Kulina Bana 29.08.1189. godine.

31. avgust/kolovoz - Dan Općine Neum. Ovaj datum se veže za Gospu od zdravlja.

